



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XI

BROJ: 187

DATUM: 19.09.2014.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Pismo direktora Jaganjca načelnicima općina: što prije sačiniti tripartitne ugovore

U Kladnju potpisani ugovori o realizaciji pet mini projekata

Predstavnički češke razvojne agencije u posjeti Općini Centar Sarajevo

Ključ dobija 15 "eko-otoka" i vozilo za prikupljanje i odvoz ambalažnog otpada

Uskoro biciklistička staza u Sarajevo

Kiseljak dobija kontejnere za odlaganje i sortiranje otpada

Gradačac dobio Centar za aktivno starenje

Općina Visoko uspješno recertificirala dva ISO standarda

Općina Kakanj uspješno prošla nadzorni audit

Objavljen Javni poziv za odabir korisnika pomoći za sanaciju stambenih jedinica oštećenih u poplavama

NAJAVA održavanja radionica za općinske koordinate za rad sa Savezom

LAF seminar: "Uloga JLS u podršci osobama sa invaliditetom"

NAJAVA obilježavanja dana općina za mjesec oktobar / listopad i bitni datumi za Savez

Bilten Saveza općina i gradova Federacije Bosne i Hercegovine

PISMO DIREKTORA JAGANJCA NAČELNICIMA OPĆINA: ŠTO PRIJE SAČINITI TRIPARTITNE UGOVORE



Direktor Federalnog fonda za pomoć nastradalim područjima od prirodne nesreće na teritoriji FBiH Jasmin Jaganjac poslao je načelnicima općina pismo kojim ih poziva da odmah, ili u najkraćem roku, sačine tripartitne ugovore o namjenskom korištenju sredstava Federalnog fonda koja su općinama doznačena 15.9.2014. godine, a na osnovu Odluke Upravnog odbora Federalnog fonda od 4.9.2014. godine.

Tripartitne ugovore, kaže se u pismu, treba sačiniti između Fonda, općina i krajnjih

korisnika, te ih proslijediti Fondu radi pregleda i prihvatanja prije potpisivanja.

Direktor Jaganjac napominje da je u prethodnom dopisu (obavijesti) naglašeno da doznačena sredstva načelnici ne mogu staviti na raspolaganje krajnjim korisnicima prije potpisivanja tripartitnog ugovora, a što je u skladu sa Odlukom Upravnog odbora Fonda i Zakonom o osnivanju Federalnog fonda za pomoć nastradalim područjima od prirodne nesreće na teritoriji FBiH.

"Očekujem da istom dinamikom pristupite i realizaciji Odluke Upravnog odbora Fonda u vezi s pomoći u saniranju šteta koje su pretrpjeli privredni subjekti na područjima zahvaćenim prirodnom nesrećom, kao i Odluke za pomoć u izgradnji stambenih objekata za potrebe porodica čiji su stambeni objekti uništeni usljed prirodne nesreće", kaže se u pismu direktora Federalnog fonda načelnicima općina.

Pismo direktora je načelnicima općina upućeno po zahtjevu Upravnog odbora Federalnog fonda za pomoć nastradalim područjima od prirodne nesreće na teritoriji FBiH, koji je na trećoj sjednici, održanoj u Mostaru 16.9.2014. godine, izrazio zabrinutost zbog sporosti općina u provođenju propisanih procedura po kojima sredstva pomoći trebaju biti doznačena krajnjim korisnicima - građanima koji su pretrpjeli štete u katastrofalnim poplavama.

U Kladnju POTPISANI UGOVORI O REALIZACIJI PET MINI PROJEKATA

KLADANJ, 16. septembar/rujan – Predstavnički italijanske nevladine organizacije „Insieme per Sarajevo“ i Općinski načelnik Jusuf Čavkunović, danas su u zgradi Općine Kladanj potpisali ugovore sa korisnicima Projekta razvoja poljoprivredne proizvodnje, navodi se na web stranici Općine Kladanj. Ova nevladina organizacija obezbijedila je beskatnatna sredstva za realizaciju pet mini projekata.

Ovom prilikom Općinski načelnik, Jusuf Čavkunović zahvalio se predstavnicima organizacije „Insieme per Sarajevo“ na podršci i pomoći građanima općine Kladanj da realizaciju svoje poslovne ideje.

Na današnjem potpisivanju ugovora razgovarano je i o nastavku saradnje u realizaciji mini projekata i podršci razvoju poljoprivredne proizvodnje.





Grb Općine Centar Sarajevo

PREDSTAVNICI ČEŠKE RAZVOJNE AGENCIJE U POSJETI OPĆINI CENTAR

Predstavnici Češke razvojne agencije David Kopic i Andrej Stojković posjetili su 3. septembra/rujna 2014. godine Općinu Centar Sarajevo, gdje su im domaćini bili savjetnici općinskog načelnika Tarik Hadžimerović i Muamer Hodžić.

Cilj posjete je bio da se gosti iz Češke upoznaju o mogućnostima i kapacitetima središnje sarajevske općine za pripremu projekata sa kojima bi se apliciralo prema IPA fondovima Evropske Unije. Uz to, Češka razvojna agencija će osim Općini Centar, pružiti podršku i ostalim gradskim općinama te Gradu Sarajevo u vidu opreme i edukacije kadrova. Akcenat će biti prije svega na projektima razvoja turizma i podržavanja malog poduzetništva.

„Nakon što nekoliko uposlenika Općine Centar završe obuku koju će provesti Češka razvojna agencija, imat ćemo kadrove koji će biti osposobljeni za pripremu projekata kojima bi se apliciralo prema IPA i ostalim evropskim fondovima. Osim toga, izrazili su spremnost da nam doniraju i odgovarajuću informatičku opremu“, kazao je Tarik Hadžimerović.

Sastanku su prisustvovali i članovi općinskog tima koji će ubuduće raditi na tom projektu.



KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmamed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Realizacijom ovog ugovora u općini Ključ će biti postavljeno 45 novih kontejnera za formiranje 15 eko-otoka, te nabavljeno specijalno vozilo za prikupljanje i odvoz ambalažnog otpada

KLJUČ DOBIJA 15 "EKO-OTOKA" I VOZILO ZA PRIKUPLJANJE I ODVOZ AMBALAŽNOG OTPADA



KLJUČ, 10. septembar/rujan – Općinski načelnik Ključa Nedžad Zukanović, direktorica JKP "Rad" iz Ključa Sanela Draganović i direktorica "Ekopak"-a Amela Hrbat potpisali su juče u Ključu ugovor u vezi s realizacijom projekta uspostave sistema odvojenog prikupljanja i reciklaže ambalažnog otpada na području ove općine, prenosi eKapija.

Realizacijom ovog ugovora u općini Ključ će biti postavljeno 45 novih kontejnera za formiranje 15 eko-otoka, te nabavljeno specijalno vozilo za prikupljanje i odvoz ambalažnog otpada, a sve uz potporu "Ekopak"-a, prvog ovlaštenog operatera sistema upravljanja ambalažnim

otpadom u FBiH, koji je za tu svrhu osigurao nešto više od 40.000 KM.

Općina Ključ se na ovaj način pridružila općinama u FBiH u kojima "Ekopak" uspostavlja sistem odvojenog prikupljanja i reciklaže ambalažnog otpada.

Kako je agenciji Fena kazala direktorica "Ekopak"-a Amela Hrbat, uloga operatera sistema za upravljanje ambalažom i ambalažnim otpadom jeste da u Federaciji BiH uspostavi sistem odvojenog prikupljanja i reciklaže ambalažnog otpada.

„S obzirom na to da "Ekopak" radi po neprofitnom principu, što znači da dobit koja se ostvari na kraju poslovne godine ne dijeli osnivačima, nego se investira u jačanje komunalne infrastrukture, "Ekopak" je dosad potpisao ugovore sa općinama - Bihać, Gračanica, Orašje, Donji Vakuf, Kladanj i Ključ“, pojašnjava Hrbat, navodeći da je cilj da se uspostavi održivi sistem u svim općinama FBiH.

Istovremeno, naglašava da se radi o uspostavi sistema koji je u cijelosti usklađen sa najvišim standardima Evropske unije (EU).

„Pravilnik Federacije BiH upravljanja amabalažom i amabalažnim otpadom koji je Federalno ministarstvo okoliša i turizma donijelo u januaru 2012. godine usklađen je s Evropskom direktivom 94/62 kojom se definira oblast upravljanja ambalažom i ambalažnim otpadom“, precizira Hrbat, podsjećajući da je "Ekopak" krajem 2013. godine postao 32. članica krovne evropske organizacije operatera sistema, čije je sjedište u Briselu.



USKORO BICIKLISTIČKA STAZA U SARAJEVU



Grad Sarajevo će poput drugih evropskih metropola uskoro imati biciklističku stazu koja će ići uz glavnu gradsku longitudinalu u oba pravca. Staza će biti duga oko 7 km i izgradit će se fazno, po evropskim standardima, na potezu Nedžarići-Skenderija. Duž staze predviđena je horizontalna i vertikalna signalizacija, iluminacija, odmorišta sa klupama i česnama, te će se moći koristiti usluge bežičnog interneta (Wi-Fi).

Projekat izgradnje biciklističke staze u glavnom gradu BiH pokrenula je Gradska uprava Grada Sarajeva na čelu sa gradonačelnikom Ivom Komšićem. Razlog tome je popularizacija i pojačana svijest o

biciklizmu kao o sve poželjnijem, praktičnijem i jeftinijem načinu prijevoza. Osim rekreacije, bicikl se sve češće koristi i kao prijevozno sredstvo u gradskom saobraćaju. Ujedno, razvoj biciklističkog saobraćaja u urbanim sredinama pozitivno utječe na zdravlje, ekologiju, uštedu energije, a pogotovo na saobraćaj, koji je zagušen u gradu Sarajevu.

Instititut za arhitekturu, urbanizam i prostorno uređenje Arhitektonskog fakulteta Sarajevo nakon izrade Idejnog projekta pristupio je izradi Izvedbenog (Glavnog), koji treba da bude završen do kraja iduće sedmice. U međuvremenu, Grad Sarajevo je na adrese triju općina (Novi Grad, Novo Sarajevo i Centar) uputio zahtjev za urbanističku saglasnost za izgradnju biciklističke staze. Saglasnost je do sada izdala Općina Novi Grad, s obzirom da će na području ove općine započeti izgradnja buduće biciklističke staze.

Sljedeći korak je izdavanje građevinske dozvole od strane sve tri općine, da bi se krenulo u izvođenje radova na biciklističkoj stazi, javlja TV „Sarajevo“.



Grb Grada Sarajeva

KISELJAK DOBIJA KONTEJNERE ZA ODLAGANJE I SORTIRANJE OTPADA

Veleposlanstvo Švedske doniraće 125.000 EUR za nabavku kontejnera za općinu Kiseljak. Tim novcem će se, nakon raspisanoga javnog natječaja, nabaviti vozilo za prikupljanje otpada, 100 kontejnera i 40 kanti za odvoz smeća.

Ova donacija se realizira putem kampanje "Čist okoliš, čista savjest" koja se provela u 11 općina u BiH, šest i Federaciji BiH i pet u Republici Srpskoj, a u sklopu projekta Veleposlanstva Kraljevine Švedske koji se odnosi na upravljanje čvrstim otpadom.

Projekat "Čist okoliš, čista savjest" građanima Kiseljaka donijeće novi sistem naplate i zbrinjavanja otpada, čime će zaštititi okolina i smanjiti količina otpada na deponijama.

„Kontejneri će biti isporučeni u decembru ove godine, a kamion u trećem mjesecu. S obzirom na to da se radi o samo 100 kontejnera, mi sa tim ne možemo pokriti cijelu opštinu. Ovo je početak jednog procesa, koji bi trebao da omogući da imamo čistu rijeku, čist okoliš. Naplata bi se vršila za sve građane opštine Kiseljak i mislim da je cijena o 1,6 KM po članu porodice sasvim normalna“, kazao je Dragomir Lučić, predsjednik Radne skupine za izradu plana upravljanja otpadom u Kalesiji.

U ovom projektu, planirano je napraviti zelene otoke u svakom kiseljačkom naselju. Zelene otoke činit će zelena površina s natkrivenim kontejnerima za smeće.



Ova donacija se realizira putem kampanje "Čist okoliš, čista savjest" koja se provela u 11 općina u BiH, šest i Federaciji BiH i pet u Republici Srpskoj, a u sklopu projekta Veleposlanstva Kraljevine Švedske koji se odnosi na upravljanje čvrstim otpadom



Grb Općine Gradačac

**KORISNI LINKOVI ZA
PREDPRISTUPNE FONDove EU:**

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.fatso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Visoko

GRADAČAC DOBIO CENTAR ZA AKTIVNO STARENJE

GRADAČAC, 17. septembar/rujan – Osobe treće životne dobi dobile su danas Centar za Aktivno starenje.

Radi se o realizaciji projekta Švajcarskog crvenog križa koji na području općine Gradačac na ovaj način nastavlja kontinuitet svoga djelovanja.

Švajcarski crveni križ od 2013. godine u odabranim općinama Tuzlanskog kantona realizuje projekat "Pomoć i njega u kući", a komponenta ovoga projekta "Aktivno starenje" realizovaće se i na području općine Gradačac od 2014. do 2016. godine, navodi se na web stranici Općine Gradačac.

Na upriličenoj svečanosti danas su Centar za Aktivno starenje Gradačac i zvanično otvorili Općinski načelnik, mr.sc. Edis Dervišagić i Mihela Hinić, šefica ureda Švajcarskog crvenog križa u BiH.

Cilj projekta „Aktivno starenje“ je animirati populaciju penzionera i osoba treće životne dobi da sa svojim iskustvom i raspoloživim mogućnostima planiraju i sami provode kreativne aktivnosti, edukacije, druženja i međugeneracijsku saradnju i pomoć te budu aktivni činioci društvenog života. Kako je 2012. godina bila Evropska godina aktivnog starenja i međugeneracijske saradnje, to je lako zaključiti da se i na globalnom planu radi o promovisanju novog pristupa u odnosu prema starim osobama, iskustvu koje oni posjeduju, zdravstvenoj zaštiti i uključenosti u društvene tokove.

Na današnjem otvaranju Centra, koji se nalazi u Ulici Siniše Mlinarevića, predstavljani su kreativni radovi članova nastali u dosadašnjem periodu, i upućena poruka svim zainteresiranim da je Centar otvoren za sve osobe koje žele da na aktivan način provode svoje vrijeme, planiraju aktivnosti, volontiraju ili na bilo koji način uključe u rad Centra.

**OPĆINA VISOKO USPJEŠNO RECERTIFICIRALA DVA ISO STANDARDA**

VISOKO, 18. septembar/rujan – Općinu Visoko danas je posjetio gospodin Mirsad Begić, vodeći auditor za sisteme upravljanja kvalitetom, zaštitom okoline i zaštitom zdravlja i sigurnosti na radu iz certifikacijske kuće TUVadria d.o.o. Sarajevo, navodi se na web stranici Općine Visoko.

Zadatak je bio provjeriti koliko Općina Visoko provodi dva standarda, ISO 9001 - Upravljanje kvalitetom i ISO 14001 - Zaštita okoline.

„U zadnjoj godini dana je viđan napredak, ulaže se trud da Općina Visoko bude jedan dobar

servis građanima i konstantno se radi na poboljšanju tog sistema, a ono što je najbitnije čime sam zadovoljan je da su svi zaposlenici Općine nedvojbeno opredijeljeni za stalna poboljšanja i napredovanja pristupom toj funkciji, uređenju svojih procesa, postavljanju konkretnih ciljeva i to jako visokih, praćenje dosadašnjih ciljeva i težnja ka većim. Sve čestitke za Općinu Visoko“, rekao je gosp. Begić.

Načelnica Amra Babić je istakla da je jako sretna što je Općina Visoko danas uspješno prošla ovaj audit i što su se recertificirala dva standarda koje Općina ima.

„Inače, jedan od programskih ciljeva za četiri godine općinske načelnice bio je transformacija Općine u servis građanima i upravo u tom pravcu smo radili, na poboljšanju usluge privredi i na stvaranju jednog boljeg ambijenta za rad ljudi u administraciji. To nam je zadaća, to nam je cilj i ono što svi zaposlenici administracije moraju da shvate jeste da su njihova radna mjesta javna radna mjesta na kojima građani mogu uputiti svoje primjedbe i da oni ustvari ovdje rade u interesu i cilju građana, i to uz osmijeh i lijep pristup građanima i dalje mora biti naš cilj.

Kada govorimo o drugom standardu on se uglavnom odnosi na ekologiju i usko je povezan sa smanjenjem troškova, papira, troškova električne energije, plina i ostalih energenata i sve one aktivnosti koje Općina radi u posljednjih nekoliko godina upravo su bile usmjerene ka tome. Kroz budžet se već vide uštede koje su postignute u samoj administraciji u zgradi Općine, ali očekujem taj pristup i mnogo šire, ne samo u javnom sektoru nego i u domaćinstvima“, rekla je načelnica Babić.



OPĆINA KAKANJ USPJEŠNO PROŠLA NADZORNI AUDIT



Švicarska certifikacijska kuća SGS (Société Générale de Surveillance SA), sa sjedištem u Ženevi, izvršila je nedavno, putem svog sarajevskog predstavništva, nadzorni audit u Općini Kakanj, kako bi se provjerilo da li su sve procedure usklađene sa zahtjevima standarda ISO 9001:2008., navodi se na web stranici Općine Kakanj.

Nadzorni audit je potvrdio da je Općina Kakanj efektivno primijenila planirani sistem upravljanja, da je sistem upravljanja sposoban ostvariti ciljeve i politiku organizacije, te da je u skladu sa zahtjevima standarda.

Podsjetimo, SGS je dodijelio Općini Kakanj certifikat ISO 9001:2008 za aktivnost "Realizacija lokalne uprave i samouprave". Nakon posljednjeg nadzornog audita, važenje certifikata je produženo do 14. jula 2017. godine.

Dobijanje certifikata i potvrda nadzornog audita da se poštuje standard ISO 9001:2008 za Općinu Kakanj predstavlja veliku čast i zadovoljstvo, ali i obavezu da se nastavi putem kontinuiranog poboljšanja kvalitete pružanja usluga građanima općine Kakanj.

OBJAVLJEN JAVNI POZIV ZA ODABIR KORISNIKA POMOĆI ZA SANACIJU STAMBENIH JEDINICA OŠTEĆENIH U POPLAVAMA

Program Europske unije za oporavak od poplava planira pružiti inerventnu pomoć u sanaciji stambenih jedinica u područjima pogođenim poplavama. Pomoć će uključivati sanaciju oštećenja na stambenim jedinicama prema važećim standardima. Javni poziv za odabir korisnika pomoći za sanaciju stambenih jedinica oštećenih u poplavama poplava objavljen je 17. septembra/rujna za područje općina: Bijeljina, Šamac, Dobo, Maglaj, Orašje, Odžak, Brčko distrikt BiH i Domaljevac-Šamac.

Javni poziv je otvoren 14 dana od dana objavljivanja.

Prijavni obrazac, kao i tekst javnog poziva dostupan je u prostorijama općina na koje se poziv odnosi.



EU PROGRAM ZA
OPORAVAK OD
POPLAVA



Grb Općine Kakanj

NAJAVA ODRŽAVANJA RADIONICA ZA OPĆINSKE KOORDINATORE



Associations of Municipalities and Cities Support

Podrška savezima općina i gradova

Подршка савезима општина и градова

Savez općina i gradova Federacije Bosne i Hercegovine uz podršku Misije OSCE-a u Bosni i Hercegovini implementira projekat „Podrška savezima općina/opština i gradova“. Jedan od osnovnih ciljeva Projekta jeste unapređenje veze Saveza općina i gradova FBiH sa svojim članicama putem jačanja saradnje sa koordinatorima za rad sa Savezom.

Kako Savez u narednom periodu pokreće platformu za on-line učenje, primarna tema ovogodišnje

radionice će biti „E-learning kao mogućnost za unapređenje kvalitete administracije u JLS“. Predavač će biti Saša Bradić, instrukcijski dizajner u firmi „Idego“.

Radionica će se održati u sljedećim mjestima:

- Bihać, 24.09.2014. godine u Hotelu „Kostelski buk“, sa početkom u 10:00 sati
- Mostar, 29.09.2014. godine u Hotelu „Old Town“, sa početkom u 10:00 sati
- Zenica, 30.09.2014. godine u Hotelu „Dubrovnik“, sa početkom u 10:00 sati

Na web stranici Saveza možete naći Dnevni red radionica i Prijavni obrazac.

Kontakt osoba u Savezu je Edin Demirović, dino@sogfbih.ba, tel./fax. 033 216 502.



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

LAF SEMINAR: „ULOGA JEDINICA LOKALNE SAMOUPRAVE U PODRŠCI OSOBAMA
SA INVALIDITETOM“

U okviru programa Local Administration Facility (LAF) organizuje se seminar u Briselu pod nazivom „Uloga jedinica lokalne samouprave u podršci osobama sa invaliditetom“ (LAF Seminar on the Role of municipalities in supporting people with disabilities) koja će trajati 29. i 30. oktobra/listopada 2014. godine. Cilj seminara je pružiti priliku lokalnim i regionalnim predstavnicima za upoznavanjem i razmjenom ideja u vezi sa EU procedurama i praksom u navedenoj oblasti. Studijsko putovanje je otvoreno za učesnike iz Zapadnog Balkana (Albanija, Bosna i Hercegovina, Kosovo, Makedonija, Crna Gora i Srbija) i Tursku. Maksimalno po sedam učesnika može biti izabrano iz svake od odabranih zemalja.



Aplikacija treba da sadrži popunjen prijavni formular, pismo interesa i CV. Zainteresovani kandidati treba da pošalju CV i pismo motivacije (sa detaljima njihovog obrazovanja i profesionalnog iskustva i na koji način će dalje da prenose informacije sa ovog studijskog putovanja). Motivacijsko pismo treba biti ovjereno od strane institucije koja šalje učesnika. Prvi pregled pristiglih aplikacija obaviće EU Delegacija u BiH. Aplikacije treba da se šalju na adresu: DELEGATION-BIH-TAIEX@eeas.europa.eu

Izbor kandidata vršiće Generalni direktorat za proširenje zajedno sa program menadžerima Delegacije Evropske Unije u BiH.

Jezik studijskog putovanja je engleski pa je stoga aktivno znanje engleskog jezika preduslov za učešće. Učesnici će biti direktno kontaktirani od strane kancelarije Generalnog direktorata za proširenje, pa stoga je bitno da kandidati navedu direktan broj telefona u prijavnom formularu. Znanje engleskog jezika je važno zbog praktičnih vježbi gdje će biti traženo učešće svih polaznika. Studijska posjeta organizuje se za učesnike koji nisu do sada bili dio LAF događaja ove vrste.

Krajnji rok za podnošenje prijava je 1. oktobar/listopad 2014. godine.

U slučaju da imate bilo kakvih pitanja u vezi sa aplikacijom, molim Vas kontaktirajte gđu. Esmiru Kešan na: esmira.KESAN@eeas.europa.eu

Potrebne dokumente za apliciranje možete naći na našoj web stranici.

**KORISNI LINKOVI ZA
PREDPRISTUPNE FONDOVE EU:**


www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

NAJAVA OBILJEŽAVANJA DANA OPĆINA ZA MJESEC OKTOBAR / LISTOPAD I BITNI
DATUMI ZA SAVEZ


- **01. oktobar/listopad - Dan Općine Gornji Vakuf – Uskoplje.** Ovaj datum se od 2008. godine obilježava kao Dan Općine jer je na taj dan 2001. godine održana prva sjednica Prijelaznog općinskog vijeća novouspostavljene Općine Gornji Vakuf – Uskoplje.
- **02. oktobar/listopad - Dan Općine Tuzla.** Taj dan se tradicionalno obilježava kao sjećanje kada je Tuzla postala najveći oslobođeni grad u porobljenoj Evropi 1943. godine.
- **04. oktobar/listopad - Dan Općine Čapljina** i ujedno Dan Sv.Franje – zaštitnika župe Čapljina.



Čapljina - lokacija Počitelj



Gornji Vakuf - Uskoplje



Tuzla

Savez / Zajedno za uređenu i razvijenu lokalnu samoupravu



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

- **10. oktobar/listopad - Dan Općine Sanski Most.** Navedenog datuma 1995. godine oslobođeno je područje općine Sanski Most.
- **14. oktobar/listopad - Dan Općine Žepče.** Prvi pisani trag o ovome gradu datira na ovaj dan iz 1458. godine kada je «na Žepču» kralj bosanski Stjepan Tomaš, sa sinom knezom Stjepanom, dao povelju logotetu Stjepanu Ratkoviću.
- **15. oktobar/listopad** - U Strazbourgu je 15.10.1985. godine sačinjena Evropska povelja o lokalnoj samoupravi, u originalu na engleskom i francuskom jeziku.
- **21. oktobar/listopad** - Vlada Republike Bosne i Hercegovine je 21.10.1994. godine donijela Uredbu o ratifikaciji Evropske povelje o lokalnoj samoupravi (V broj 174/94). Uredbu je potpisao predsjednik Vlade Republike Bosne i Hercegovine dr. Haris Silajdžić, a objavljena je u "Službenom listu RBiH", br. 31 od 03. 11.1994. godine.
- **22. oktobar/listopad - Dan Općine Gradačac.** Tog dana u odbrani Gradačca 1992. godine zaustavljen je «Oklopni voz» na prilazu gradu.
- **23. oktobar/listopad - Dan Općine Orašje.** Tog dana 1992. godine oslobođeno je selo Vidovice u oraškoj općini.




Žepče



Orašje



Sanski Most



Gradačac